

35 aña di danza den "Celebra bida atravez di danza"



Sinta den Cas di Cultura, "mi a celebra bida atravez di Baile" hunto cu Diana Antonette y su elenco di e anochi aki.

35 Aña cu Diana a "celebra" bida, celebracion cu el a cumenza desde mucha, prome cu el a drenta bida di baile. Mi a sintimi orguyoso di **Diana**, su yiunan, **Alydia Wever** y **Pierangely Wever**, di bailarin veterano **Nico Luydens**, ainda hoben riba escenario, di su mama cu tabata na porta repartiendo programa, su tata cu mi no a mira, y ademá mi a haya falta di un persona e anochi aki, esey ta **Ro Albus**, awe difunto.

Mi a bay back pa mi infancia y hubentud, prome cu e programa y durante e programa. Den e programa mi a mira felicitacion cu **Alicia Mac Donald**, prima bailarina, a manda pa Diana.

"**Aliesje**", cu a cumenza baila cu **Irma Bakker**, despues cu mi a bandona baile di ballet como mucha, pa motibo di no kier a balia cu "**Apetientje**". Alicia cu a bira e bailarina di Ballet di Lago Heights y a crece y crece bira un prima bailarina.

Mirando **Alydia** y **Pierangely**, yiunan di Diana, mi a bay back pa tempo cu Diana tabata teenager, y cu pa mi no tabata tin mihor bailarina pa mi subi pista cune.

Mi tabata obsesiona cu baliamento cu Diana y su yiunan a ponemi corda e Diana di e tempo ey.

Mirando **Nico Luydens** bailando cu Diana, mi a pensa riba **Ro Albus**, pasobra ta **Ro** y **Nico** so ta e personanan cu mi a mira trece asina un elegancia den baile ultimo 40 aña, y principalmente ora cu nan ta bailando cu Diana of un di nos bailarinanan top.




Ainda tin activo **Romo Fingal** como veterano, y tur ta ser sigui awe pa **Erwin Croes**, cu ta balia cu **Sonia Geevers** den **Aruba Dance Formation**.

E PROGRAMA

Ki bunita e anochi aki tabata cu un variacion inmenso di ritmonan di ballet clasico pa rap, di musica salsa pa mensahe di paz, masha bunita presenta den flamenco pa e

cantante internacional **Angela Croes** cu **Ochi Rafael** como guitarrista y bailarinanan **Silvia Martinus**, **Beatriz Iparraguirre**, **Marushka Tromp** y **Cornelli v. Wilgen**. Angela sigur a habri un buraco den curazon di e público cu su bunita voz y bunita cancion flamenco na spaño

combina cu papiamento. Manera ta custumber, mucha semper ta gana simpatia di tur hende y mirando e muchanan riba escenario principalmente den prome parti di e show cu nan "**pre-ballet**", barre, e relato balia di experiencia di Diana na Hulanda durante su periodo di estudio, y presenta den e temporadanan di aña





sentimentonan..

Alydia Wever, tambe a brilla den un solo **"Lugarnan bashi"**, y aki atrobe por a mira e progreso grandi di Alydia den baile y cu tambe ta sigui pasonan di su mama. Mescos cu su mama y su ruman Pierangely, el a dibuha un obra yen di splendor, colorido; cu toquenan di preciosidad cu e pincelnan cu yama su **"curpa"**, riba escenario riba tononan musical di Wandji.

Tabata un baile den cual **"expresion corporal"** tambe a hunga papel masha importante y masha bunita, mescos cu e **"pintura maestro"** cu Pierangely a **"pinta"**.

No por lago afo, Astrid Hagers-Arends cu tabata tin tambe varios coreografia bao di su encargo pa e show aki, y cu casi na fainal a briya den compania di Angelique Cunha, Carlos Centeño, Jacqueline Zattera y Samantha Westera-Juppa, den e baile **"un dia nobo"** cu musica di Celine Dion.



Fantastico tabata e **"tributo na Celia Croes"** cu tur e bailarinanan cu e diferente

coloran di peluca, y na dado momento **Enid de Lannoy** presentando, cantando, personificando Celia.

E grupo folklorico di baile di Santa Cruz, bao direccion di Lia Lopez, a presenta **"Dera Gai"** saliendo for di publico pa subi y presenta riba escenario. E publico a anima e entusiasmo pa mata e gay y e ritmo di Dera Gai.

Un momento emocionante y masha bunita tabata e sorpresa **"Nos"** cu musica di C. Hasham y arreglo di F. Granadillo.

Aki nos a mira Diana, Alydia y Pierangely den un baile esplendido presenta y cu movecionnan di **"tres persona"** flotando y mesclando den **"un"**.

Mama y dos yiu, y contando e edadnan ta yega na mas o menos 100 aña.

Esnan cu ta sigui cultura musical, di baile o di recreacion, riba nos isla lo sa cu aki ta **"un sanger cultural"** Pellicer - Antonette, cu ta corriendo 100 aña caba riba nos isla sin interrupcion.


Juby Naar

Try our combo's at very convenient prices



Cheese Pizza

Avg. 5,75




Pepperoni Pizza

Avg. 6,25



Pasta Bolognese

Avg. 9,95



Spinach Lasagna

Avg. 9,95



TRY IT, YOU'LL LOVE IT!

SBARRO Seaport & SBARRO La Hacienda

Opening Hours: Sunday - Thursday
11:00 am till 12:00 am
Friday & Saturday
11:00 am till 12:30 am

